

MAITLHOMO A OFISI

Ofisi ya Tshenolo e tlhomilwe go ya ka Karolo 4 ya Molao wa Tshenolo ya Dikadimo tsa Magae le Matlo wa 2000 (Molao No. 63 wa 2000) ka maikaelelo magolo a go lebelela ditsela tsa kadimo le ditiro tsa ditheo tsa ditšhelete mo go tlameleng ka dikadimo tsa magae go badirisi. Molao o pateletsa ditheo tsa ditšhelete go senola tshedimosetso ya ditiro tsa tsona tsa dikadimo mo mmarakeng wa dikadimo tsa magae.

PONELOPELE YA RONA KE ENG

Go diragatsa Molao le go rotloetsa kadimo ya ditšhelete tsa matlo e e lekalekanang.

MAIKAELELO A RONA KE ENG

Go abelana mo go fitlheleleng ditiro tse di siameng tse di oketsang/rotloetsang kadimo ya ditšhelete tsa matlo mo nageng.

MOLAO O KA GA ENG

Go rotloetsa ditiro tse di siameng tsa dikadimo, tse ditheo tsa ditšhelete di tlhokang go senola tshedimosetso malebana le tlamelo ya dikadimo tsa magae; go tlhoma Ofisi ya Tshenolo; le go tlamela ka dintlha tse di amanang le yona.



THULAGANYO YA MOKGATLHO

Ofisi e rulagantswe ka tsela e e latelang:

Monnasetulo:
Ofisi ya Tshenolo



Motlatsa Monnasetulo:
Ofisi ya Tshenolo



Ditokololo:
Ofisi ya Tshenolo

Bokwaledi



Bokwaledi ke karolo e e mo Lefapheng la Manno a Batho e e tshegetsang Ofisi ya Tshenolo.

DITLHA TSA KGOLAGANO: OFISI YA TSHENOLO

OFISI YA TSHENOLO
LEFAPHA LA MANNO A BATHO
PRIVATE BAG X644
PRETORIA
0001

GOVAN MBEKI BUILDING
240 JUSTICE MAHOMED STREET
SUNNYSIDE
PRETORIA
0002

MOGALA: 012 421 1572/1799
FEKESE: 086 614 7662/086 611 0018
MOGALA WA MAHALA: 0800 146 873
IMEILE: disclosure@dhs.gov.za

LEFAPHA LA MANNO A BATHO

THALOTLHAKORE

YA OFISI YA TSHENOLO

MAITLHOMO A OFISI YA TSHENOLO KE AFE

- Go netefatsa kobamelo ya Molao wa Dikadimo tsa Magae le Matlo wa 2000, (Molao No. 63 wa 2000) le ditlamelo tsa nthana 4 ya Mametlelelo ya Molao wa Thotloetso ya Tekano le Thibelo ya Kgethololo e e sa Siamang wa 2000, (Molao No. 4 wa 2000).
- Go rotloetsa dikgatlhego tsa badirisi ba dikadimo tsa magae malebana le tshiamo, tswelelo le boleng jwa ditirelo;
- Go rotloetsa phitlhelelo e e lekanang gape e siame mo dikadimong tsa magae mo ditheong tsothe tsa ditšhelete;
- Go tlosa mekgwa wa kgethololo le ditiro ka ditheo tsa ditšhelete malebana le dikadimo tsa magae;
- Go tshola dingongorego mo badirising malebana le dikopo tsa dikadimo tsa magae; le
- Go supa mekgwa e e teng ya dikadimo e e nang le kgethololo le go diragatsa ditsweletso.



DITIRO TSA OFISI KE DIFE

(1) Maikarabelo a Ofisi ke go—

- (a) Amogela tshedimosetso e e tlhokegang;
- (b) Sekaseka le go dirisa tshedimosetso e e tlhokegang;
- (c) Amogela le go batlisisa dingongorego tsa setšhaba ka ga ditheo tsa ditšhelete tse di amanang le dikadimo tsa magae go ya ka tsamaiso e e beilweng;
- (d) Dira gore setšhaba se bone tshedimosetso e e supang gore a ditheo tsa ditšhelete di direla ditlhoko tsa dikadimo tsa matlo tsa setšhaba kgotsa jang;
- (e) Kelo ya tswelelopele ya tiragatso jaaka mekgwa e e beilweng ya ditheo tseo tsa ditšhelete go ya ka tshedimosetso eo;
- (f) Thusa ka go supa mekgwa e e teng ya kgethololo le go thusa lefapha lengwe le lengwe la taolo ya semolao ka go diragatsa kobamelo ka peomolao e e kgatthanong le kgethololo;
- (g) Begela Tona ka ngwaga ka ditiro tsa yona mo ngwageng o o latelang; mme pegelo ya go nna jalo e tshwanetse go akaretse tshekatsheko ya tiragatso ya setheo sengwe le sengwe sa ditšhelete ya kobamelo ya Molao; le
- (h) Dira dikatlanegiso go Tona ka ga nthana nngwe le nngwe e e welang mo Molaong o.

(2) Ofisi

- (a) E tshwanetse go netefatsa gore ditheo tsa ditšhelete di obamela ditlamelo tsa nthana 4 ya Mametlelelo ya Molao wa Thotloetso ya Tekano le Thibelo ya Kgethololo e e sa Siamang wa 2000 (Molao No. 4 wa 2000);
- (b) E tshwanetse go gakolola Tona ka ga thulaganyo, diteng le nako ya tshenolo ka ditheo tsa ditšhelete go ya ka ditlhokego tsa Molao o;
- (c) E ka tlhoka gore ditheo tsa ditšhelete di tlhalose tshedimosetso e e senotsweng go ya ka Molao o fa go ka nnang le pelaelo e e amogelesegileng teng gore a tshedimosetso e e senotsweng e nepagetse go utlwala kgotsa e feletse; le
- (d) E ka batlisisa le go dirisa ditsweletso go tthomamisa boamaruri jwa tshedimosetso e e senotsweng ke setheo sa ditšhelete go ya ka ditlhokego tsa Molao o, mme ka maitlhomao, setheo seo sa ditšhelete se tshwanetse go neela Ofisi thuso e e amogelesegileng le phitlhelelo mo dikagong le tshedimosetso go kgonisa Ofisi go sekaseka le go dirisa tshedimosetso eo.

TAOLO YA OFISI YA TSHENOLO

Go ya ka Molao wa Tshenolo ya Dikadimo tsa Magae le Matlo wa 2000, Ofisi ya Tshenolo e ka samagana le dingongorego tse di amanang le tse di latelang:

- Kgethololo ya mekgwa ya dikadimo tsa magae ka ditheo tsa ditšhelete; le
- Dintlha dingwe le dingwe tse di welang mo Molaong o.

DINTLHA TSE DI KWA NTLE GA TAOLO YA OFISI

Ofisi ga e na taolo nngwe le nngwe mo dintlheng tse di amanang le tse di latelang:

- Go tthomamisa ditlhokego tsa dikadimo tsa magae;
- Go tthomamisa go neelana ka dikadimo tsa magae;
- Go tthomamisa go tlatsa le go amogela diforomo tsa kopo ya dikadimo tsa magae;
- Go tthomamisa dikelo tsa morokotso;
- Go tthomamisa paka ya go duela dikadimo;
- Go tthomamisa mekitlane ya dikadimo tsa magae/matlo;
- Go tthomamisa go tshwanelwa ke kadimo;
- Go tthomamisa maemo a sebele a ditšhelete; le
- Go tthomamisa tlhotlwa e e amanang le dikadimo tsa magae.

THULAGANYO YA OFISI

Ofisi e na le ditokololo di le robongwe (9) tse di thapilweng ke Tona go ya ka bokgoni le maitemogelo a bona mo dintlheng tse di amanang le banka, ditšhelete tsa matlo le peeletso, diikonomi tsa setšhaba le ditshwanelo tsa baagi.